



內埔仔風情

全臺灣唯一一個韓愈廟在哪？答案就係屏東內埔仔。韓愈祖籍昌黎，係唐宋八大家之首，但在潮州做官雖然時間無長，毋過盡照顧當地个老百姓，大家都感念佢。韓愈分人安做「嶺南師表」，內埔仔客人个祖先係對大陸嶺南過來个，故所在清朝嘉慶年間起廟來紀念佢，安到「昌黎祠」，係兩百零年个古蹟地。

韓愈个生日係九月初九，堵好係重陽節，故所這幾年个重陽節，內埔仔就辦「韓愈文化祭」，來紀念這個興學个文人。除核六份舞、三獻禮，又有遊街嘉年華，樂隊、儀隊个表演，還有打嘴鼓比賽，希望細人仔毋好添放核客話，將客家文化傳承下去。過來就係準備考試个人，會將准考證拿來昌黎祠，求一個金榜符過火、換綏，希望昌黎公做得保佑佢等考取功名。

六堆客家文化園區也在內埔仔，佢最明顯个地標就係六支大遮仔，代表清朝時節為著保家衛國，在高雄、屏東出堆个六隊義勇軍；也代表客人在妹仔行嫁時送个紙遮仔，表示子孫綿延、源遠流傳。展廳不時有戲劇个演出、長期个展覽；在展廳以外个建築，有伙房、礮間同菸樓，紹介古時客人个日常生活，項項都表現出客家特殊个內涵。

園區還有大草坪、香花公園、開庄伯公、田園个景觀同盡闊个陂塘，慢慢行在樹枋仔做个步道，涼風吹來，十分鬆爽！遠遠欣賞牛搵水个公共藝術作品，就像倒轉去五十年前農村生活个樣子。也做得借腳踏車來騎，在園區邊邊啊，擇兜仔客家文創商品做等路，用花布仔攞个袋子、時裝，絕對個人化，毋會同人共樣。

肚飢地，來去陽濟院老街尋好料仔。這有最傳統个面帕板、米篩目好食，也有甜甜燒燒个酒釀圓板仔做點心，過買一息豬膽肝歸去，蒸過地擺青蒜仔食，傍酒最合味！老街个社區營造將一哪仔个壁都漆啊蓋靚，還有打鐵仔店、石頭伯公、老戲院，幾下跡个老伙房同宗祠，短短个一條街，會拿等翕相機翕到無電正好！

蓋多人覺著內埔仔文靜樸實，像畏羞、純良、無打扮个細阿妹仔。其實內埔仔係歷史古蹟、人文涵養、自然景觀都豐富个鄉鎮，除核頂項紹介个所在，還有天后宮、忠勇祠、敬字亭、屏東酒廠、青島麥酒廠，都係有名个旅行景點。大家人毋好淨過路定定，尋一個想愛心情輕鬆个日子，來內埔仔行行啊。

作者：吳秀梅

☆詞彙學習☆

- | | |
|--|-----------------------------|
| 【內埔仔】ni pu' e'：隸屬屏東縣的鄉名，當地人發音為 ni pu' e'，客家人約占該鄉人口的 60%。 | 【綏】kian：護身符。 |
| 【六份舞】liug' id' vu'：一種古代重要祭禮中人數、行數縱橫皆相同的合舞，六份的陣容是諸侯階級。 | 【礮間】lung' gian'：碾米的地方。 |
| | 【陂塘】bi' tong'：灌溉用的蓄水池。 |
| | 【擇】tog：挑選。 |
| | 【時裝】sii' zong'：流行的服飾。 |
| | 【豬膽肝】zu' dam' gon'：豬肝醃漬的食物。 |

☆文法學習☆

- 【淨……定定】qiang……tin tin：只有……而已。例：過地十分鐘地，佢淨寫兩隻字定定。（過了十分鐘了，他只寫了兩個字而已。）